

■ TRIBUNA POLITICA

Ier – oz – damaun

DA MARTIN JÄGER,
CUSSEGLIER GUVERNATIV

Chara lectura, char
lectur. Jau speresch
che Vus hajas pudì passen-
tar dis da Nadal quietes ed
er recreativs.

Gia en paucas uras va
l'onn 2012 a fin.
Quai è stà mes segund
onn sco schef dal Depar-
tament d'educaziun, cul-
tura e protecziun da l'am-
bient dal Grischun. Jau
guard enavos sin quest
onn passà cun grond pla-
schair e cun gronda en-
graziaivladad. L'onn 2012
ha mes departament pudì
dumagnar – cun la revi-
siun totala da la lescha da
scola sco er cun la nova
lescha davart las scolas au-
tas e la perscrutaziun –
dus fitg gronds «baccuns».
Jau sun spezialmain losch
ch'ìls dus projects èn ve-
gnids acceptads dal cus-
segl grond senza in'unica
cuntravusch e ch'i n'è
betg vegnì fatg in referen-
dum ni cunter l'ina ni
cunter l'autra lescha. Cun
il relasch da questas duas
leschas n'è nossa lavur anc
ditg betg terminada. Nus
avain dentant stgaffì ina
buna basa moderna per
pudair dumagnar las in-
cumbensas che vegnan a
resultar en il sector da la
furmaziun per nus e spe-
zialmain per las singulas
vischnancas e per las sin-
gulas instituziuns ch'èn
responsablas per la scola.



In tema che ha occupà
l'permanentmain mes de-
partament ed er mai pers-
nalmain durant ils emprims
dus onns sco schef dal Deca
èn las differentas dumondas
davart la lingua da scola ru-
mantscha e davart la Ru-
mantschia en general. Ultra
da discussiuns stentusas hai
dà deplorablmain er ina
lunga retscha da process
giudizials. Malgrà tut las
stentas ma legrel jau tuttina
fitg che las differentas dre-
tgiras – fin a Losanna – han
tratg fin ussa tut lur deci-
siuns a favur da las deci-
siuns da la regenza. Quai
ma mussa che nus essan –
er ord vista giuridica – sin
la dretga via. Nossa finami-
ra n'è dentant insumma
betg quella da gudagnar
uschè savens sco pussaivel
ils process giudizials. Nus
empruvain plitost da cun-
tanscher ina basa preziosa e
raschunaivla per ina buna
scola en las vals e d'obte-
gnair bunas cundiziuns per
l'avegnir da la Ruman-
tschia.

Igl è l'ultima emna da
l'onn vegl. Quai è in
temp, durant il qual er la
commembra ed ils com-
members da la regenza han
dapli pussaivladads da pas-
sentar in pèr uras libras en-
semen cun lur famiglias.
Per mai sco schef dal de-
partament d'educaziun,
cultura e protecziun da
l'ambient èsi cler tge che
stat sin il program: Jau per-
sequitesch per exempel, en-
semen cun mes figl, intgins
gieus da hockey sin glatsch
a la Cuppa Spengler a Ta-
vau, giud in concert en
cumpagnia da mia dunna e
vom cun mia figlia cun
gianellas tras la bella natira
grischuna. Uschia èn gist
trais champs da mes depar-
tament represchentads in-
directamain durant questa
ultima emna da l'onn.

L'onn 2013 è sin porta.
Jau ma legrel e sun
mirveglius tge novas sfidas
ch'el vegn a purtar. Ils dus
projects da leschas dal
sector da furmaziun re-
spectivamain lur execuziun
ans vegnan a dumandar er
vinavant zunt fitg. Aregu-
ard la Rumantschia sper
jau ch'i dettia dapli cons-
sens e ch'i naschia ina col-
lavoraziun constructiva che
stat sut l'ensaina da la
trasparenza, da la fidanza
e da la stima vicendaivla.

Chara lectura, char
lectur, jau As gjavisch
da cor in allegraivel, saun e
ventiraivel onn nov.